

南宮奏議

南宮奏議卷第十五目錄

祀典

薛瑄從祀議

薛瑄從祀覆議

郭英配享議

正 太廟功臣配享位次

文華殿奉安先聖先師位議

修正三皇祀典以復 祖制

題丁祭先師廟六品以下官免陪祀

請定先農壇遣官行禮

天雨請暫罷親耕

南宮奏議卷第十五

鈴山堂集五十五

祀典

薛瑄從祀議

看得御史楊瞻焚得仁題稱乞要將前禮部左侍郎薛瑄從祀孔子廟庭一節臣等考之昔者帝王秩祀孔子以孔子道德刪述有教萬世之功而祀之所以教民報也諸孔子之徒俎豆堂廡亦以其人躬備道德能有以羽翼聖學功可祀而祀之而從祀之典通乎萬世是謂崇德是謂報功自漢以來大儒從祀代不乏人逮我國朝正統間以宋胡安國蔡沈真德

秀元吳澂從祀弘治間以宋楊時從祀 皇上嘉靖九年又以宋陸九淵從祀表章先儒寔爲國家盛典而累朝諸臣若給事中張九功楊廉解一貫都御史姚鏌叅政許讚俱嘗建議請以本朝名臣禮部侍郎薛瑄從祀謹按瑄山西河津縣人年甫幼學一見濂洛之書嘆曰此學道之正脉也即焚棄詞賦以程門居敬窮理爲學之法以孟子復性爲學之功由壯至老造詣純篤蓋見於大學士李賢尚書彭韶國子監丞閻禹錫等所撰行狀碑文者如此瑄所著有讀書錄十卷今觀其書格言要論發明理道每有新得非

體認密切踐履真實者不能至於立朝行已風槩卓
絕有功名教可謂豪傑之崛起聖門之宗裔矣自瑄
之歿言者頌其學術行德凡數十上今御史楊瞻樊
得仁復以爲言若瑄之賢朝廷特加褒顯以風來學
進之從祀誠足以慰衆論之公彰聖朝之美也然或
者之論以爲前代所定從祀必求傳釋六經之人以
合祭法報功之義故助孔子垂統之人如二十二經
師雖其身有過愆猶應議功之條本朝所祀四人者
安國傳春秋沈註書德秀著大學衍義潁著諸經纂
言皆以用其書行其道宜有以褒大之也查得先年

亦嘗下儒臣議薛瑄從祀然卒鮮有成議者以罕所著述疑之也臣等切惟求士於漢唐之世聖學榛塞固當專錄其釋經之功自有宋諸儒繼出理學大明之後世之儒者雖論述罕傳似當特取其履行之實惟是侑坐孔庭受職嘉享事重禮殷其選不得不慎臣等謹按漢法有大事中朝逮文學掌故皆以其議上號爲近古今祀典重事必下廷議集衆思斯於事體爲得而据考經典折衷群言又非頃刻立談可盡查得弘治間宋儒楊時從祀該本部奉旨行翰林院諸臣撰議上進伏望皇上特勅翰林院詹事府左

右春坊國子監諸文學之官令其博考詳論各撰議進呈御覽以竣 聖明裁擇施行庶盡天下之公使後世罔有遺議嘉靖十八年十二月初九日奉聖旨是着翰林院詹事府左右春坊司經局國子監堂上官人各上議

薛瑄從祀覆議

該本部於禮科抄出太子少保禮部尚書詹事府詹事等官霍韜等各議薛瑄從祀等因俱奉 聖旨禮部知道欽此送司臣等看得衆議祀典篇牘繁多不能悉錄請撮其辭之槩以俟聖明采擇焉尚書霍韜

曰瑄造詣弗及董仲舒而誠篤似之穎悟弗及韓愈歐陽修而篤行過之粹精淵醇弗及程灝而渾厚師之從祀孔廟薛瑄無愧侍郎張邦奇曰篤實足以砥偽中正足以律偏純粹足以訂雜臣愚以爲瑄當從祀無疑詹事陸深曰本朝以理學爲宗者實自瑄始考其平生出處進退言論風旨不合於聖人之道者鮮矣從祀之選非瑄不可少詹事孫承恩曰夫理學莫盛於宋使瑄而生其時未足多也而在今日則可無崇重乎臣故以爲祀之是祭酒王教曰瑄著述所存固雖少讓於前賢德馨之美亦足感發乎後學以

之從祀未爲不可學士張治曰純粹可以正偏駁篤
行可以破澆漓廉介可以勵貪鄙恬退可以黜奔競
惇大可以裕淺狹薛瑄從祀之典似不可緩府丞胡
守中曰議從祀者道德爲重著述爲輕當以天理人
心裁之而不當惑於浮議之私也表章從祀無出瑄
之右者庶子楊維傑曰潛心孔顏抗志程朱若秩之
從祀實足以彰我朝人文之盛諭德龔用卿曰其人
誠賢也雖不必於著述可也以瑄之賢而特允其從
祀主張斯文實在此舉屠應峻曰崛起興起卓越自
信卒爲本朝理學名臣稱首以之侑坐孔庭且與古

祭于瞽宗之義合洗馬徐階曰以身衛聖道非徒托諸空言誠祀瑄以表向往之端示風勵之意其於聖化亦豈小補鄒守益曰考其出處進退之間不折節於權姦不謝恩於私室不曲法於貴近不懾志於臨刑不濡滯於相位一時翕然尊信揆之於古其近於猖者之流乎進瑄從祀以昭國家之盛其於世教未必無補中允李學詩曰瑄之專言性理綱常如彼其醇也修身行道如彼其正也以瑄侑食孔庭揆之禮意最爲有得秦鳴夏曰瑄獨反躬實踐溯尋正脉使學者曉然知所趨向此其功誠不在著述下進瑄而

祀之庶幾繼往開來永光吾道閔如霖曰瑄生明盛
之世卓然有見以居敬盡性爲學進瑄從祀實斯道
之幸贊善閻樸曰體認精詳造詣深粹昭代之士曾
無瑄若者不瑄之祀而誰祀哉司直謝少南曰從祀
孔廟當論其學術之醇駁不當論其著述之有無國
家直儒宜以瑄爲第一進瑄從祀實協公議呂懷曰
其學已有諸已寢寢乎篤實而有光輝特加從祀之
典則鼓舞感孚將不有振刷興起因流求源以上繼
往聖之傳者哉編修王同祖曰瑄言行篤實似許衡
出處峻潔過楊時以之從祀誠爲無忝趙時春曰言

必底績行不愧心如瑄者百年以來實難其人是亦聖人之徒也以聖人之徒從聖人之祀於理爲當唐順之曰瑄之可附於祀典者有四無歉於祀典者有二宜如御史臣瞻臣得仁所疏黃佐曰瑄之誦法著述與其躬行於孔子之道無愧焉列之從祀於典禮爲宜侍讀胡經曰舉瑄而從祀之俾經生學子在於敦行而不在乎多言務於實勝而不貴於虛談則吾道幸甚以上二十三臣言雖人人殊而其以爲可祀則一也庶子童承叙則曰莫如姑緩以俟將來贊善浦應麒則曰如董仲舒韓愈王通諸人亦各曠千古

而後始定雖以俟後世可也是以瑄爲不必祀而其
辭猶婉郭希顏則曰瑄可爲一時之豪傑而不可繆
稱理學之宗支所享一方之明禋而不可濫叨聖門
之禮樂臣請莫若罷之便此直以瑄爲不必祀矣給
事中丁湛等則曰傳曰三人占則從二人之言是仰
贊聖明以瑄爲必可祀者也臣等爲照薛瑄從祀始
見請於臺章繼詳延於廷議諸臣之奏無非以我
祖宗列聖培養作興百有餘年之久孔庭俎豆宜得
其人焉以彰國家之盛則如瑄者庶無忝茲選矣故
集衆之詞無或疵議此推仰先哲之心也而庶子童

承叙謂程朱高弟如羅從彥李侗尹焞黃幹尚未得
祀近時儒者如吳與弼胡居仁陳獻章亦應從祀舍
彼取此似爲未徧贊善消應麒亦曰俟之後世二臣
之言無非以論必久而後定故聚訟之議不嫌異同
此慎重祀典之意也臣等切惟光嶽氣分世無全士
度長絜短自有可觀薛瑄之造詣其視宋儒雖若有
間然實爲本朝理學之倡必若從祀無以踰瑄臣等
推仰先哲之心與諸臣一也乃若與弼諸人亦皆爲
一時士論之所推許但時同地近臣等難以軒輊決
擇於其間矣夫衆言折諸聖人議禮本諸天子仰惟

皇上神謨聖學卓越千古頃者諸所祀典彙章悉經裁正誠所謂考諸三王而不謬建諸天地而不悖也惟茲孔廟之祀關繫萬世天下之所仰瞻實爲重大臣等愚昧不敢輕議伏乞聖明特賜睿斷以垂式萬世臣等不勝幸甚又看得尚書霍韜奏內欲將宋臣司馬光陸九淵議黜從祀夫司馬光平生所學惟是濮王之議失父子之倫委爲昧禮若其公忠鯁亮勲業偉峻爲宋一代名臣無間賢不肖皆知尊信似未可以一肯病之陸九淵資稟高明見道超悟揆其學術論議當在薛瑄之右今議進瑄則九淵似難

遽罷臣等又看得司直呂懷奏內欲將道統正傳皆欲進廟堂系之四配之下夫十哲四科之賢親受聖教者也濂洛諸儒似難越居其上以上合無只照舊祀伏乞 聖裁嘉靖十九年三月初五日奉

聖旨聖賢道學不明士習趨流俗朕深有感焉薛瑄能自振起誠可嘉尚但公論久而後定宜俟將來童承叙浦應麒議是罷司馬光陸九淵從享與四配等位次俱歷代秩祀又經我 太祖欽定都只照舊今後不許妄議

郭英配享議

該武定侯郭勛奏始祖郭英未得廟庭從祀懇乞天
恩以明祀典等因到部臣等重覆看詳先後奏詞歷
查前因洪武二年享太廟以功臣配先定越國公胡
大海等六人以後續進中山王徐達等六人二十一
年功臣廟成塑功臣像自中山王徐達以下總計二
十一人其功在大封之列而未從祀者公馮勝等三
人侯耿炳文等四十一人都督以下無慮數百人武
定侯郭英則耿炳文等未與之數此定典也臣等切
惟古之聖王禮臣莫重於崇德報功之典崇報莫大
於登堂配享之制考之書享先王爾祖其從考之

禮曰凡有功者祭於大烝考之漢制及魏高堂隆晉
任茂梁何佟之議與夫唐貞觀禮長興咸平等詔則
是典也三代以下靡不由之矣至觀配魏太祖者惟
荀攸程昱鍾繇三臣配唐太宗者惟房玄齡杜如晦
高士廉屈突通魏徵長孫無忌李靖七臣配宋太祖
者惟趙普曹彬二臣則代雖不廢然亦不敢濫又可
見矣洪惟我 太祖高皇帝龍飛淮甸汎掃胡元起
義之初豪傑群起而攀附而其出奇制勝斬將搴旗
摧城拔邑翊成大業者亦不可以什百數矣迨夫混
一定鼎之後親定其功可配食塑像者止於中山王

徐達等數臣此非有所靳也蓋惟簡德明勲以勸嗣
臣之大典不得輕焉故也至於太宗之世見聞甚
邇其功烈小大孰得而誣之昔宋孝宗時太常少卿
林栗欲增配享其尚書汪應辰言先朝所圖共政之
臣未有能勝其任者若應故事姑令備數上非所以
尊宗廟下非所以勸有功既無可配乞更罷之而徐
璉亦曰累朝佐命配享功臣不十餘人是皆擇精取
嚴足稱大典求爲可萬世法不但可施於一時而已
謹按開國功臣錄及誌傳所紀郭英當年十八即從
起義甚見親信每令直宿帳中既而從克徐泗滁和

寧國等郡 上嘗以郭四呼之及親征僞漢及敗賊
禁江及友諒斃於流矢人咸以爲英功及從攻友諒
子彼驍將忽馳入帳下 上遽呼英乃持鎗躍馬一
呼賊殞 上解所御赤戰袍衣之曰唐之尉遲敬德
不汝過也嗣而從征襄陽從征元都從征太原從征
西夏從征雲南從討納哈皆立奇功迹其功伐似非
當一校之隊統偏師之任者可比也苟世無鄭留淮
陰亦不當在舞陽蓼費之列 皇祖太宗寧不知其
功之可以塑像配食也但在當時元勳宿將比肩而
立如馮勝耿炳文等諸臣皆英之儔匹也是故將祀

此而遺彼則或失之偏將違茹而彙躋則或失之濫
所以竟置而弗取者意或出此也今其嗣孫郭勛陳
䟽以請是固宋吳總所以請其父璘配享之義崇表
先烈子孫同情無足異者惟是事大體重乃三代以
來所傳之典我祖宗所定之制非臣等所敢輕議
恭惟皇上以睿聖神明之資作禮樂神人之主凡
厥祀典釐正必求其精處析各極其當今事關宗廟
伏望皇上留神省覽考究本末差次輕重仰揆
皇祖太宗之心念國家至公之典特賜聖斷以息群
疑臣等不勝幸甚嘉靖十六年二月日奉

聖旨郭英同時贊佐 皇祖功臣著太廟配享禮部知道

正 太廟功臣配享位次

先該本部題議得 祖宗時定例功臣位次皆序封爵首王次公次侯次伯洪武功臣以徐達等自爲序未樂功臣又以張玉等自爲序觀 廟廡所列以誠意伯劉基列於六王之次而越群公之上似爲不倫今營國公郭英定列從祀之時合無將劉基亦照封爵定列伏望 聖明裁定等因奉 聖旨廟中配享即朝廷宴禮一般豈可讓私這位次都着以爵序欽

此臣等謹遵 聖訓將兩廡功臣俱照各爵序列開
坐上呈合候 明旨本部行令太常寺於祭告先期
將新舊牌位一體安設施行 一東廡 中山武寧
王徐達 岐陽武靖王李文忠 東甌襄武王湯和
河間忠武王張玉 號國忠烈公俞通海 越國
武莊公胡大海 泗國武莊公耿再成 寧國忠莊
公王真 誠意伯劉基 一西廡 開平忠武王常
遇春 寧河武順王鄧愈 黔寧昭靖王沐英 東
平武烈王朱能 蔡國忠毅公張德勝 梁國武桓
公趙德勝 營國威襄公郭英 永義侯桑世傑嘉

靖十六年三月二十日奉

聖旨是

文華殿奉安先聖先師位儀

該大學士夏言奏奉 聖旨是禮部知道欽此臣等
仰惟尊祀 聖師於文華東室此我 皇上學懋進
脩道光承繼之盛舉也茲當經筵開講之期輔臣欽
奉 聖諭以舊奉旁室未安議請奉安於九五齋位
正地嚴是誠足以仰副 皇上尊崇之盛心矣本部
行該欽天監選到奉安 先聖先師牌位本年三月
十七日午時吉所據合行禮儀臣等合無於是日早

內閣輔臣同禮官等恭率太常寺官恭詣永明後殿
上香畢奏請牌位置于神輿恭隨至九五齋奉安上
香畢退至二十一日恭請 皇上早朝畢詣九五齋
行祭告禮畢次日文華殿開講臣等謹恭擬開坐上
請伏乞 聖裁勅下遵行其合用上香官陪拜官員
俱乞 欽定嘉靖十九年三月十二日奉
聖旨依擬是日朕行奉安祭拜以開講告上香遣輔
臣夏言陪拜官着輔臣同禮卿日講官照先年例俟
朕禮成入於階下瞻拜

脩正三皇祀典以復 祖制

嘉靖二十一年十二月初二日該司禮監傳奉 聖
旨太醫院舊有廟係奉祀三王之所乃修合御藥重
地年久圯壞弗稱祀典着相度地面重加增拓修建
用副 皇祖崇奉之意禮工二部知道欽此臣等稽
諸禮曰聖王之制祭祀也法施於民則祀之能禦大
災捍大患則祀之非此族也不在祀典蓋聞上古聖
神繼天立極開物成務壽世福民其功尤繫於醫宓
義觀天文明曆氣神農嘗百草製本草黃帝與岐伯
問答而有素問之書醫道蓋昉於此矣周禮小宗伯
兆五帝於四郊說者謂祭以天帝配食以五人帝春

以太昊夏以炎帝季夏以黃帝然此主於五方之位
未有醫藥之專祀也至於有元自國都以至郡縣皆
立三皇廟於醫者之學如宣聖釋奠禮太昊伏羲氏
以勾芒氏之神配炎帝神農氏以祝融氏之神配軒
轅黃帝氏以風后力牧氏之神配及黃帝臣俞跗以
下十人姓氏載於醫書者從祀兩廡有司歲春秋二
季行事而以醫師主之其臣虞集有言三聖人之所
以惠利生人者不必以醫之一技而求夫爲醫之道
不上達於三聖人則不足以盡其至聖之能事是其
祭雖專爲醫道而設然徧於郡縣則又不免失之黷

矣肆我 成祖御宇諏經稽典正名定祀尤以醫道
關係民生至重乃即太醫院立廟以崇祀三皇正統
間重加修葺 聖祖神宗先後一揆咸欲躋斯世斯
人於仁壽之域而永貽燕翼之令圖也洪惟 皇上
膺天凝命上法 祖宗謂修合御藥保和 聖體實
維茲所廟制湫隘則祀典弗稱欲恢拓而一新之創
矩以盡度備物以章虔斯其佑享昭假于三皇在天
之靈而宣滯保和以迓乎 萬壽無疆之慶臣等敢
不祇承德美用樹宏基臣等竊惟廟必有制祀必合
法不爲畫一之制則恐襲前時之故轍而無以稱觀

瞻不正從祀之名則恐失瞻聖之心傳而無以垂法
守臣等謹將合行規制恭擬上進伏乞 聖明裁定
勅下施行 一廟制臣等看得廟在太醫院署原有
藥庫七十二間欲大其展拓勢有未能今定爲廟門
三間正殿三間中列配位墀之東西列兩廡以設從
祀之位神廚神庫隨便建置其藥庫有礙處所禮工
二部委官相度悉令拆去另行蓋造 一正位太昊
伏羲氏炎帝神農氏黃帝軒轅氏共爲一室俱用木
主 一配位臣等謹按會典國初祭三皇用勾芒祝
融風后力牧配享雖因元舊蓋此四神者分配四時

而主肝心肺腎有功醫道甚大合無仍舊列于配位

一從祀

臣

等考之元史其兩廡從祀以俞跗等十

人按醫書所載有佩貨季有天師岐伯有伯高有鬼
史區有俞跗有少俞有少師有桐君有太乙雷公有
馬師皇是皆黃帝時臣見於素問等書法得從祀者
也其後商有伊尹作湯液秦有神應王扁鵲秦越人
著難經及漢有倉公淳于意有張機魏有華佗晉有
王叔和有皇甫謐有抱朴子葛洪隋唐有巢元方有
真人孫思邈有藥王韋慈藏有啓玄子王冰宋有錢
乙有朱肱金有劉元素有張元素元有李果有朱彥

脩之十八人者或訂醫方本草或脩脉訣病源皆有
功醫道亦宜列于從祀合無分祀東西兩廡 一主
祭官臣等考之古以醫師主祭今太醫院官職專於
醫今擬用本院掌印官主之或臨時太常寺具奏欽
遣大臣行禮其兩廡從位用本院堂上官二員分獻
俱候 聖裁 一祭日本廟舊典舉祭故祭無定期
今擬以春秋二季朔日行禮其祝文行翰林院撰為
定式以便舉行 一祭品臣等謹按會典洪武元年
令以大牢祀三皇及後議定建帝王廟中一室以居
三皇其牲用犢一羊一豕一每位登一鉶二籩豆各

十簠簋各二帛一篚一酒尊一爵三與先師孔廟畧同茲係皇祖舊制理宜遵用其東西配位今擬東配位共羊一豕一釧二邊豆各十簠簋各一帛一篚一爵六西配位亦如之其從祀二十八位每五位共一壇東廡十四位共豕一而析分之爲塊如孔廟兩廡例及用爵三帛一篚一西廡亦如之每壇邊豆各六簠簋各一酒盞五前項器皿預行工部置造嘉靖二十一年十二月二十一日奉
聖旨是祭期仍遵先定仲春冬月各上甲日餘都依擬行

題丁祭先師廟六品以下官免陪祀

祠祭清吏司案呈查得舊規每歲丁祭先師孔子除文官五品以上陪祀外六品以下官原無陪祀之例但崇報先師之誠不能自己每先一日俱具錦繡服至廟謁拜畢各回此例相承既久至嘉靖九年二月內戶部主事梁喬升奏該本部覆題六品以下序拜于陪祀官之後已經遵行一次但各官數多衢巷擠塞入夕止息無所事體不便呈乞定奪等因案呈到部臣等看得六品以下官員數多一時俱赴先師廟行禮混列于陪祀官後委的紛擾喧雜不無褻慢况

各官原無祭牌祭服尤非事體之宜合無仍照舊規
今次丁祭六品以下官先期一日陸續赴廟瞻拜以
伸尊師之義拜畢即回其文官五品以上六科都給
事中照例具服陪祀以後著爲定例庶禮制不紊而
人知遵守矣嘉靖二十二年二月初二日奉

聖旨着照舊例遵行

請定先農壇遣官行禮

照得嘉靖十七年二月二十日例該 聖駕躬祭先
農親耕籍田查得本部先於嘉靖十六年二月十二
日於內閣抄出節奉 聖諭昨卿等謂先農宜遣官

代祭朕惟凡親耕則簡命代祭如不行親耕定爲戶部尚書祭之朕至只行三推禮此可爲制欽此欽遵外今奉前因臣等仰惟 皇上親定耕籍之禮歲一躬行重農勸穡此固帝王之盛典也但臨御以來每勤萬乘親載耒耜屢涉郊坰 聖心憂勤無逸已足以風勵臣民矣今歲二月尚猶春氣未融陰風寒冽 聖躬正值調攝之日 皇上爲天地神人之主葆和爲重今次親耕合無暫免其先農之祭合照前諭欽命戶部尚書至期行禮伏乞 聖裁本月初五日奉

聖旨是親耕今歲暫免先農遣尚書李廷相行該衙門知道

天雨請暫罷親耕

嘉靖十六年二月十五日恭遇 皇上祗祓青郊親載黛耜躬三推之禮勸農重穡真帝王之盛節也昨十三日申刻偶有微雨今日晝之間時或陰雲四興誠恐未能旋霽臣等竊惟 皇上躬萬乘之尊遠臨郊甸臣民觀望盛禮必天時霽暖庶便舉行茲濛雨時作餘寒尚凜 聖躬正宜崇護萬一冒雨行事泥淖沾濡臣子之心惶惑不安伏望 皇上今次親耕

乞暫賜罷免猶以敬身之道爲重奉

聖旨卿等以雨下欲暫罷親耕輔臣也說具見忠愛
今歲姑停

南宮奏議卷第十五

南宮奏議卷第十六目錄

朝賀

正旦請 御殿受朝

正旦請 御殿百官致詞

萬壽聖節請行慶賀禮

萬壽聖節請御門前後八拜禮

甘澤應禱奏賀

福建進甘露具題

河南進瑞麥具題

欽天監測候太陽不虧具題

燕享

定立春宴例

賜宴朝鮮國使臣

申明慶成宴貼圖例

南宮奏議卷第十六

鈴山堂集五十六

朝賀

正旦請 御殿受朝

先該本部具題奉 聖旨履端大慶臣民所同但朕
哀戚未平宜照前旨罷免卿等宜體朕意欽此臣等
切惟元旦乃王者奉天體元肇新政令事有關於正
始禮必觀其會通况 慈聖服制既已先期除釋雖
聖人之孝終慕不忘而誥訓之遺萬幾惟重伏望
皇上於是日御殿受朝非惟俯順輿情實以欽崇天
道臣等無任祈請之至嘉靖十七年十二月二十六

日奉

聖旨履端歲首朝會之始但方昨除服梓官在上卿等連以禮請且朕亦謂當行實事依擬在奉天門百官青衣本等帶只行五拜叩頭禮不必公服致詞鐘鼓鳴鞭俱輟之

正旦請 御殿百官致詞

先該本部題照得嘉靖二十一年正月初一日正旦節文武百官先期於嘉靖二十年十二月二十八日二十九日習儀至日早行慶賀禮等因奉 聖旨是欽此續該鴻臚寺具題節奉 聖旨元旦朝賀合

皇伯妣神主遵 累朝例未奉廟中暫免行大禮着
照朔望御殿例行群臣行五拜禮亦不必致詞這習
儀禮部知道欽此臣等捧誦綸言仰見 皇上爲
皇伯妣神主未奉入廟元旦朝賀大禮特令暫免
着照朔望御殿例行仰惟 皇上孝敬發於宸衷禮
教刑于四海臣等謹欽承 聖意朝賀大禮并百官
習儀傳令罷免俱不敢瀆請外但維時一元肇始萬
象更新恭惟 皇上茂膺乾祐端御紫宸中外臣工
及四夷朝貢人員均懷拱極之誠願效履端之祝伏
望 皇上是日容令鴻臚寺官具班首官名致詞稱

賀百官前後行八拜禮庶以仰祝鴻庥匪同常禮臣等不勝祈願之至嘉靖二十年十二月二十八日奉聖旨卿等復以是請依擬

萬壽聖節請行慶賀禮

該本部題嘉靖十六年八月初十日恭遇 萬壽聖節文武百官各具朝服先於本月初七月初八日俱赴靈濟宮習儀至日早行慶賀等禮奉 聖旨罷欽此臣等仰惟 萬壽聖節內而廷臣外而天下藩臬諸司及四夷陪臣萬里貢琛聚于闕庭莫不歡欣鼓舞願效無疆之祝及照項者 宗廟告成典禮大備

皇嗣屢誕祥祉駢臻今次慶賀大禮伏望特賜俞
允庶天人協慶夷夏交歡而臣子一念之誠得少申
於萬一矣嘉靖十六年七月二十二日奉

聖旨卿等復以賀生辰請但上天示戒謹身殿未
補葺以脩省之餘此一內殿未建祖考神位未回
此二聖母暫居宮城之外如安居可也久日疾痛
未愈日夕不寧于朕心此三三事有一且不可況集
於此時朕安便受賀乎況歲一值之今年暫罷卿等
宜承朕意與賀同也

萬壽聖節請御門前後行八拜禮

該本部題嘉靖二十年八月初十日恭遇 萬壽聖
節文武百官各具朝服先於本月初七月初八日俱
赴靈濟宮習儀至日早行慶賀禮等因奉 聖旨今
時方罹廟災朕正待罪 皇天 祖宗之下生日小
節罷行賀禮是日當重貶青衣御門與群臣一接見
中秋後即照舊朝講慎勿又請欽此 臣等仰惟 萬
壽聖節 皇天眷命萬國來朝是惟朝會崇典而茲
者我 皇上因災避殿罷行賀禮 臣等仰見 皇上
深以 宗廟罹災是懼畏 天念 祖厚自剋責此
蓋堯舜兢業湯武抑畏之心 臣等敢不仰體 聖心

將順德意以成 陛下克謹天戒之盛美乎除欽遵
明旨於御殿受賀全禮不敢復請外伏望 皇上
是日具常服御門容文武百官各具公服鴻臚寺官
具班首官致詞稱賀前後行八拜禮則 皇上敬戒
之意旣昭而臣子拜頌之忱亦少申矣其公侯駙馬
伯進到綵段暫免陳設類進內府該衙門交收其各
王府及天下文武衙門進到表文亦暫免陳設宣讀
司禮監官捧進俱候命下行令各該衙門遵奉施行
嘉靖二十年七月二十三日奉

聖旨朕欽荷我 皇天仁愛自當貶損但時情似未

宜依卿等奏常服御門百官止叩頭免致詞餘可

甘澤應禱奏賀

該本部題今歲自春入夏雨澤愆期合照例齋戒祈
禱等因奉 聖旨朕憂時少雨方躬禱宮中覽奏依
擬各務竭誠以助欽此仰惟 皇上憂軫歲功慮勤
民隱頃因少雨先事竭誠宮中致禱宸衷積念天意
遽回即於二十日霖霖稍沾至二十一日申時濃雲
布空甘澤隨降入夜不絕且不疾不徐田塹潤沃焦
熯頓蘇將來西成端有望此實我 皇上憂勤懇
惻之念昭假 上穹殷后桑林之禱周王方社之祈

不是過也臣等慶優渥之普霑愧分毫之莫助其於
歡忭則倍萬恒情嘉靖十九年四月二十二日奉
聖旨上穹下眷甘澤隨降朕心感悅覽奏賀知已

福建進甘露具題

該本部於禮科抄出巡按福建監察御史李元陽等
題稱嘉靖十七年正月二十二日巡歷漳州府龍溪
縣據署縣事通判唐澤等稟稱本年正月十五日本
縣天保地方松樹上朝有凝露其味如蜜其白如米
者老咸謂甘露連枝摘取到臣臣因會同福建布政
司右叅政田秋按察司副使方升僉事錢世賢辨驗

果是甘露隨詣其地視之臣等以器受之僅盈一杯
當同各官焚香拜受擇吉進呈間是夜甘露復降次
日則見甘露在於松上明映朝暎或如珠琲或如稻
穗然猶濕嫩未堅比至日午陽光灼烈而濃露厚結
華如冰雪粒如玉屑始可採矣臣聞神露播於子而
成於午理或然也臣度其林方九十五畝松榕雜植
然惟松受之而他樹洗然不受惟餘葉上點灑如蜜
如油舐之頗甘不可拘取謹採松露貯爲九罐見在
進御等因奉 聖旨甘露留宮中禮部知道欽此抄
出送司案呈到部臣等謹按古志有曰體睿窮幾含

靈獨秀謂之聖人所以能君四海而役萬物是故天
不愛道地不愛寶而禎瑞興焉甘露者載在典籍人
皆知之乃聖德之休徵帝王之上瑞也然歷觀往古
未有駢見疊臻如今日之盛者蓋自我 皇上臨御
以來一降於長泰再降於 顯陵三降於固原至今
龍溪復降林木雜植獨受於松且日應上元地名天
保亨嘉之會信不偶然恭惟 皇上德及太清仁合
萬類孝誠貫徹和氣感通惟皇上帝申命用休符
慈體之安篤 皇儲之慶兆國家億萬載無疆之祚
者也臣等查得洪武二年甘露降於死松群臣表賀

永樂年間甘露降于武岡于孝陵 文皇帝祇薦宗
廟頒賜百官 皇上嘉靖七年汀贛撫臣以甘露進
聖諭有曰天降瑞露理宜答謝齋戒遣官詣郊壇
告謝天地朕仍於丹陛露告便擇日來看欽此 臣等
竊見今次福建巡按官奏到甘露多盈九罐味旨顆
豐比之前次倍勝仰惟 聖德謙冲留之宮掖而臣
等遭逢熙事欣頌之私自不能已伏望 皇上遵用
祖宗時故事容令 臣等表賀仍以所進甘露薦之
祖考以仰承玄貺宜暢群情 臣等職在禮官預聞
瑞應謹議請以聞嘉靖十七年三月十一日奉

御批寶露之降實拜 天庥朕躬于 玄極寶殿拜
謝祭薦于 宗廟奉于 兩宮表賀罷

河南進瑞麥具題

該河南開封府歸德州永城縣知縣劉瑤奏據本縣
在城坊民張鍾執捧瑞麥一莖七穗二本又據棠林
等耆民練松等共執捧瑞麥一莖六穗一本一莖五
穗一十二本一莖四穗一十三本一莖三穗七十五
本一莖二穗一百三十三本各到縣仰惟 皇上大
孝感於天地至仁格於上下是以日月精光風雨時
適瑞麥挺生質惟一本穗則殊呈由二穗三穗四穗

以至於五穗六穗七穗匪徒一阡之被澤應知六合
以同春蓋禾麥之呈祥有補民生之日用豐年穰穰
端兆於此謹以瑞麥二百三十六本并繪圖進呈等
因奉 聖旨禮部看了來說欽此臣等仰惟 皇上
聖德感孚休祥駢集嘉禾瑞麥之應嘗屢見矣而茲
河南之境頃者 聖駕南幸承天乃輦輅所經近地
仰荷溫綸特蠲租稅仁恩汪被協氣攸同瑞麥之應
蓋非偶然誠年穀豐登閭閻康足之慶也伏望 皇
上欽定吉辰恭以二瑞奏謝 皇天告聞 祖考并
宣付史官登載簡冊庶表天休允合古義嘉靖十八

年六月十一日奉

聖旨別有旨了

欽天監測候太陽不虧具題

本月初二日據本部委官祠祭清吏司主事寇陽呈稱奉本部劄付先該欽天監呈據曆科春官正等官周相等推算到嘉靖十九年三月初一日癸巳午正四刻日食至未初二刻復圓劄仰本職會同該監官測驗回報等因依奉前去登臺觀候自午至未仰覩日光未見虧食理合呈報等因臣等考之傳曰日乃衆陽之宗人君之象也若遇陰掩于陽則日爲之食

春秋謹書之以爲天戒若王者脩德行政上勤于天則當食而不食茲者臺司觀測是日日體圓明不見虧分實惟我皇上聖德昭明陽剛中正陰慝潛消之象也臣等不勝欽頌之至嘉靖十九年三月初四日奉

聖旨上天示眷朕仰承所奏知道了

燕享

定立春宴例

該光祿寺題照得嘉靖十六年十二月二十七日立春節例該欽賜文武百官於午門外喫春餅欲照例

備辦等因題奉 聖旨照例辦欽此送司案呈到部
爲照本月二十七日立春節特享 皇祖列聖春享
獻皇帝廟是日免朝該本部題奉欽依於二十八
日早文武百官朝服侍班順天府官行進春禮所據
頒賜春宴亦宜從二十八日恭候進春禮畢然後退
令即席庶爲得禮以後著爲定例奉
聖旨是

賜宴朝鮮國 賀大享使臣

該本部題照得朝鮮國王李懌差使陪臣戶曹叅判
柳仍淑等二十二員名各赴京進賀事畢將欲回還

例該上馬筵宴等因奉 聖旨准辦給領欽此本月
初十日該本部尚書臣嵩節奉 聖諭十四日早間
朕視朝于奉天門朝鮮賀大享使臣禮重 明堂著
引進表文欽此臣等爲照朝鮮素稱禮義之國茲者
恭遇 皇上肇舉明堂大禮慕義貢詞稽首稱賀伏
蒙 皇上特賜進見使者于庭仰見 聖明欽崇大
典優禮該國至意似當仍賜一宴以寵其行合無仍
行該寺照例備辦宴席於十四日早引進表文後即
於本日命官待宴使遠人懷德嚮風而欣慕祇惕於
無替矣惟復照前旨給領伏乞 聖裁嘉靖十八年

二月十二日奉

聖旨是賜宴于禮部卿嵩待之

申明 慶成宴貼圖例

精膳清吏司案呈查得先該本部題照得大祀禮成
臣民胥慶 皇上賜宴殿陛所以訓恭儉觀威儀其
於禮教非輕也故未宴之前寫帖填圖當宴之際序
秩列位尤當嚴敬今各衙門開報職名中間又有事
故扣席隨報隨至以致每年俱在臨期四五日前寫
帖填圖且寫且更晝夜書辦惟恐差錯委的忙迫及
至進呈之後當宴之日遇有事故等項又一一具本

題知煩瀆 聖聽其五府公侯等爵雖襲封有先後親屬有尊卑但朝廷之上惟以官秩衙門爲序官同以府府同以年則豈私情所容與哉合無今後十二月三十日以前與宴官員續報事故等項手本到者就於帖圖內叩除職名若有正月初一日以後序列已定於宴期前三日既已進呈 御覽縱有事故等項手本到者聽本部照例徑行該寺扣除那移卓席亦不必一一具本題知俱待宴畢五日內查對宴帖宴圖底稿除領宴外將事故等項扣除那移卓席若干通行類本題知其五府公侯伯官爵相同者則以

中左右前後爲序如府與爵同者則以歷年深淺爲序不得臨宴執論攪擾有乖大體凡一應與宴大小官員合再申明舊例敢有仍前爭議者照例治罪俟命下之日通行各衙門欽遵知會永爲定例該本部題奉 欽依節該欽遵外今照嘉靖十九年十一月十五日 大祀慶成次日奉天殿筵宴文武百官所據前例合再斟酌申明案呈到部看得今次大祀慶成筵宴日期比之先年尤爲迫近合無候命下本部通行在京文武衙門若在十一月初五日以前序列未定各該與宴官員報到事故等項手本到者就於

帖圖內扣除職名如在初五日以後序列已定帖寫填圖縱有事故等項報到不必再動聽從本部徑行該寺扣除卓席其出差回還陞遷到任等項官員并續到未曾見朝四夷使臣與女直都督朝鮮國陪臣等官該坐於殿之內者各到在宴期之前例該與宴並聽本部斟酌位次徑行該寺添設席面俱不必一一具本題知通待宴畢五日內查對宴帖宴圖底稿除領宴外將事故續添等項扣席那移添設席面類總具本題知嘉靖十九年十一月初八日奉聖旨是

南宮奏議卷第十六

南宮奏議卷第十七目錄

修省

宗廟災請乞修省事宜

廟災奏謝儀

廟災示諭各王府頒詔天下

謹身殿雷火災乞修省事宜

類奏災異

星變請修省

奉先殿雷聲請修省

風霾請修省

時旱請禱雨澤

刊布 御製濟疫方具題

南宮奏議卷第十七

鈴山堂集五十七

修省

宗廟災請乞修省事宜

嘉靖二十年四月初五日酉時分忽雨雹交作風霆
震飛入夜宗廟火起一時延燬臣等倉卒聞變驚
走入視率諸内外人役救護無及所據神宮監併該
宿衛等官合候該衙門請旨收問外臣等切惟禮
有焚其先人之室則三日哭蓋災變無大于此者况
宗廟祖宗列聖神靈所御一夕遭此大變皇上
平素敬天孝先聖心驚惕何以堪處然臣等所欲

告於 皇上者今祭告奉慰禮在所先恐懼修省政
宜責實伏請 皇上竭虔親祭告于 內殿以慰神
靈引過泰祭於 上帝以謝譴告青服 御西角門
延見群臣以共謹天戒下哀痛之詔以安人心行天
下宗室共加修省以盡一體之誠勅內外臣工痛加
剋責以盡交修之儆此今日遇災修政之大義也臣
等又惟變不虛生乃由人召仰惟 皇上聖敬聖孝
上格天心豈宜有此變故實臣下奉職無狀積咎稔
愆之所致也今文武群臣有姦欺負國蠹政殃民者
言官指實劾奏九卿堂上官并各衙門四品以上官

令各自陳以聽罷免科道官許極言時政得失伏望
皇上特賜采納務修實政以上回天意臣等再惟
宗廟天子孝享所先禮當修復但數年大工並興公
私財力俱耗今內外一應工作合無一切暫罷庶幾
畜力預財可圖大舉否則民力重困無以上慰孝享
仰答天心此又今日遇災修政之急務也伏望 皇
上留神裁覽恭候命下遵奉施行臣等無任殞越待
罪之至嘉靖二十年四月初七日奉

御批 宗廟災燼無前大禍罪在朕一人而已仰戴
皇天仁愛便齋戒分擇吉辰奏謝 南北郊祭告

景神殿 太社稷俱朕躬行禮遣官祭告朝日夕
月等神陳言時政言官常職何待災變一切工程除
欽定殿就緒外俱着停止奏謝禮畢次日御門視事
如故

廟災奏謝儀

嘉靖二十年四月初六日該本部題爲非常火災事
節奏 聖旨 宗廟火燼無前大禍罪在朕一人而
已仰戴 皇天仁愛便齋戒分擇吉辰奏謝 南北
郊祭告 景神殿 太社稷俱朕躬行禮遣官祭告
朝日夕月等神欽此隨該臣 嵩欽奉 聖諭奏謝

南郊以本月初九日 北郊以初十日俱夜中行事
景神殿 太社稷俱以十一日質明行事同日命
官祭告朝日夕月天神地祇及應祭祀典之神俱欽
此欽遵所有前項一應合行儀注謹議擬開坐臣等
查得祀典神祇內有真武廟三官廟天將廟都城隍
廟火神廟謹開列上請伏乞 聖裁勅下遵行

本月初九日奏謝南郊儀 一前二日齋戒太常寺
備脯醢酒果香帛如常儀翰林院撰祝文錦衣衛設
常朝駕儀司設監設大次於靈星門外 一初八日
午後百官青服先赴南天門候 駕是夜戌刻上

青袍乘板輿由大明門出至昭亨門西降輿導引官

導 上至大次禮部尚書等官復命畢 上出導引

官導 上至內壇典儀唱執事官各司其事內贊奏

就位典儀唱迎帝神奏陞壇奏跪奏上香奏復位四

拜平身 傳贊百官同 典儀唱奠帛行初獻禮奏詣神

御前奏獻帛 上獻訖奏獻爵 上獻訖奏詣讀祝

位奏跪 上跪 傳贊百官皆跪 贊讀祝讀訖奏俯伏

興平身 傳贊百官同 奏復位典儀唱行亞獻禮行終

獻禮 儀同初獻惟不獻帛讀祝 典儀唱送帝神奏四

拜平身 傳贊百官同 典儀唱讀祝官捧祝進帛官捧

帛各恭詣泰壇典儀唱望燎奏詣望燎位內贊導

上至燎位燎半奏禮畢駕還宮 初十日奏謝北郊

儀 一太常寺備脯醢酒果香帛如常儀翰林院撰

祝文錦衣衛設常朝駕儀 一初九日午後百官青

服先赴北郊候 駕是夜戌刻 上青袍乘板輿由

東安門出至北天門 上降輿導引官導 上至齋

宮少憩出導引官導 上至內壇典儀唱執事官各

司其事內贊奏就位典儀唱迎神奏陞壇奏跪奏上

香奏復位奏四拜平身 傳贊百官同 典儀唱奠帛行

初獻禮奏詣神御前奏獻帛 上獻訖奏獻爵 上

獻訖奏讀祝位奏跪 上跪 傳贊百官皆跪 贊讀

祝讀訖奏俯伏興平身 傳贊百官同 奏復位典儀唱

行亞獻禮行終獻禮 儀同初獻惟不獻帛讀祝 典儀

唱送神奏四拜平身 傳贊百官同 典儀唱讀祝官捧

祝進帛官捧帛各詣瘞位唱望瘞詣瘞位內贊導

上至瘞位埋祝帛奏禮畢 十一日祭告景神殿

儀 一太常寺備祭品香帛如常儀翰林院撰祝文

一 上青袍乘板輿至景神門外東 上降輿導

引官導 上至東陞上典儀唱執事官各司其事內

贊奏就位典儀唱迎神內贊導 上至神御前奏上

香奏復位奏四拜

傳贊百官同

典儀唱奠帛行初獻

禮執事官各獻帛爵訖奏跪

傳贊衆官皆跪

贊讀祝

訖奏俯伏興平身

傳贊衆官同

典儀唱行亞獻禮終

獻禮各獻爵訖卿奏禮畢請還官奏四拜

傳贊衆官

同典儀唱讀祝官捧祝進帛官捧帛各詣燎位奏禮

畢一陪拜公侯駙馬伯九卿衙門三品以上官各

青服一同日祭告太社太稷儀

一太常寺備祭

品香帛如常儀翰林院撰祝文

上乘板輿由右闕

門至北壇門東階輿導引官導

上至拜殿南門外

典儀唱執事官各司其事內贊奏就位典儀唱迎神

奏陞壇內贊導 上至大社神前奏跪奏上香至大

稷神前奏跪奏上香奏復位奏四拜 傳贊衆官同典

儀唱奠帛行初獻禮執事官各獻帛爵訖奏跪 傳贊

衆官皆跪 贊讀祝訖奏俯伏興平身 傳贊衆官同典

儀唱行亞獻禮終獻禮各獻爵訖典儀唱送神奏四

拜 傳贊衆官同典 儀唱讀祝官捧祝進帛官捧帛各

詣座位奏禮畢 一陪拜文官五品以上武官四品

以上皇親指揮六科都給事中各青服 一同日祭

告朝日夕月天神地祇真武廟三官廟天將廟都城

隍廟火神廟太常寺備祭品翰林院撰祝文俱如常

儀合用遣官祭告大臣八員伏乞欽命嘉靖二十年
四月初七日奉

聖旨是還增景神殿分遣官着翊國公勛定國公延
德英國公溶京山侯元輔臣鑾遂安伯鏊尚書譚高
各行禮

廟災頒詔儀

茲者伏值 宗廟之災該本部題請修省事宜 皇
上敬天孝先引咎責已即已躬行泰謝奉慰諸禮訖
昨又該臣嵩欽奉 面諭以本月二十日詔告天下
及致書示諭各王府仰見 皇上遇災修政克謹天

戒之實臣等敢不祇奉德意即日舉行除示諭各王府御書司禮監奏請差官八員齋捧外所據頒詔合照例取差行人九員并監生齋捧前去南北直隸十三布政司開讀本部給文定立期限回還如有違限者叅問臣等謹將頒詔公行禮儀恭擬開坐上請恭候命下欽遵施行嘉靖二十年四月十二日奉聖旨是

謹身殿雷火災乞修省事宜

該內閣傳 聖諭今日寅時 上天示戒于謹身殿實朕所致也卿等具奏明慰朕已悉忠愛但雷火非

人之爲必有所謂修省之宜當何如此諭錄示勛及
禮部欽此欽遵臣等切惟天之愛君如親之愛子親
不以子能順孝而忘教戒之言天不以君之能敬畏
而忘警懼之意然因教戒而益求所以順孝乃子之
善事親也因警懼而益求所以敬畏乃君之善事天
也時者迅雷震驚火入殿桷幸賴帝心仁愛旋起
旋熄然不干他所而于謹身殿則所以警懼者深
矣夫謹身殿即古之路寢天子肅容之所也皇
上引咎責躬彌切憂懼而求所謂修省之宜此古帝
王罪已之意孝子順事其親之道也臣等捧讀聖

諭不勝惶懼反覆思惟變不虛生實由人致切念我
皇上敬天勤民修身體道至德純孝足以感通神
明導迎和氣詎宜有此惟是大小臣工不能仰體德
意奉職無狀罪過深重變所由生則夫修人事以格
天心飭庶官以貞百度誠所當致謹而不可忽焉者
也臣等恭候命下百官青衣角帶自本月二十二日
爲始至二十四日止同加修省三日然臣等又惟先
儒有云應天以實不以文今日之舉尤當求刑政所
以失者而改之乃爲消弭之實蓋近日所司或職任
匪人而名器僭濫或賦役不均而徵求太急或寅清

道缺而神人弗治或兵戎政敝而軍士重困或情罪
弗當而刑獄冤滯或工役繁興而財力殫竭或舉刺
失實而公議猶沸或獻納壅伏而嘉言罔聞凡此皆
致變之由伏望 皇上勅下各該衙門官員痛加修
省勉圖化理其關涉國家利害大計容令諸臣具實
陳奏伏乞俯賜采納施行其兩京堂上官合無仍令
照例自陳庶幾修弭以實而天意可回矣嘉靖十六
年五月二十一日奉

聖旨 上天垂戒朕切感懼致招在朕勿以他諉自
二十二日始朕與卿等修省如例大臣不必自陳各

衙門大小官人但要思盡厥職如果有關係國家大計各自陳說來行二十五日仍露奏 上天遣官暫
于 景神殿祭告 祖考

類奏災異

祠祭清吏司案呈嘉靖二十二年三月十七日該巡按陝西監察御史陳音等題稱鎮番衛本年正月十二日地震一次二月初七日地震一次本年四月十五日該巡按湖廣監察御史史褒善等題稱武昌府本年三月二十一日戌時地震有聲亥初復震如前軍民房屋俱撼動本年五月初二日該巡撫甘肅等

處地方兵部右侍郎兼都察院右僉都御史陳卿等
題稱鎮夷守禦千戶所本月十三日戌時忽聞天鳴
有聲從西北方往東南方行初似砲響後如播鼓本
月十五日該提督鴈門等關巡撫山西等處地方都
察院右副都御史劉臬題稱太原府本年五月初五
日寅初地震有聲本年閏五月二十七日該巡按山
東監察御史楊本深題稱濟南府本年閏五月十二
日卯初地震二次有聲如雷嘉靖二十一年六月二
十一日該巡按陝西監察御史周南等題稱固原州
本年閏五月十八日寅初地震有聲隆德縣本日丑

時地震聲響如雷震動房屋清澗米脂等處天降水
雹大者如盃升小者如雞卵商州鎮安山陽等處天
降猛雨山水暴發軍民房屋衝沒漂蕩不計其數嘉
靖二十一年七月二十二日又該巡按湖廣監察御
史史衷善題稱荊州府歸州本年六月初六日沙子
嶺雷雨交作崖口崩裂人民逃走壓陷房屋四十餘
間將川江河道填塞約有二里本月初十日巳時土
夾石山傾崩江邊長約四百五十一丈闊一百二十
丈嘉靖二十一年八月十六日該巡按陝西監察御
史伊敏生題稱靖虜衛本年七月二十日午時地震

響聲如雷嘉靖二十一年十月初七日該欽差總督
陝西三邊軍務兵部尚書兼都察院右都御史楊守
禮題稱固原州本年九月二十七日戌時地震三次
有聲驚動居民房屋嘉靖二十一年十月二十二日
該巡撫寧夏等處地方都察院右副都御史范鏊題
稱寧夏衛本年九月二十七日地震有聲嘉靖二十
一年十一月十六日該巡撫陝西等處地方兵部右
侍郎兼都察院右僉都御史趙廷瑞題稱西安府本
年十一月十一日辰時地震三次有聲等因節奉
聖旨該部知道欽此俱經案候類奏外今該前因案

呈到部臣等聞之書曰惟天降災祥在德惟吉凶不
僭在人故咎有由召變不虛生仰惟聖明御極聖
德格天皇穹錫佑今歲畿甸之間雨暘以時風霾
不作年歲豐熟近又屢見三白之祥非和氣感召何
以有此然據有司奏聞前項災異疊見於陝西等處
天鼓鳴者一地震者十七水雹者一水溢山崩者二
豈祥異頓殊哉臣等深思其故蓋以天下之大氣數
所不能齊惟古之帝王但知布德行政修人事以奉
天道故祥至不喜而以德政之修爲祥災至不懼而
以不能弭災爲懼觀夫克正厥事兆殷道之中興側

身修行基周業之復振是皆以德消變之明驗也我
皇上懋昭聖德總攬乾綱夙夜憂勤圖惟治理三
代聖王所不能過矣臣等揆厥所由實惟內外臣工
奉職無狀有以致之且前項地震及冰雹等災異質
之傳記乃陰乘陽之故夫以內言之則君子爲陽小
人爲陰以外言之則中國爲陽夷狄爲陰今國事紛
紜而毀譽失實邊防廢弛而賞罰不明虜寇縱橫連
年爲患則其醞成乖氣爲災爲異職此之故也臣等
理合題請恭候命下通行內外衙門大小臣工務各
修省前滌前愆盡心職業臣等區區一念芹曝之誠

尤望 皇上遠覽前猷圖惟至計密察於天人之際
深攷其感召之由順性約情以養和平之福疑道修
德以弘中正之休辨賢否以進人材察臧否而稽吏
治計虜患侵擾以飭邊防度工役緩急以節財費將
見人事修於下天心悅於上仁愛弗替眷顧有加星
辰順軌獄瀆効靈清寧位育亨嘉邇遠諸福之物可
致之祥莫不畢集而王道成矣何止消伏災變而已
哉伏乞 聖明留意嘉靖二十一年十二月二十一
日奉

聖旨是上天仁愛災異疊見以示警告事關朕躬的

知道了便通行各該衙門官員痛加修省盡心職業
共圖治理以回天意

星變請修省

嘉靖十八年四月二十三日等夜切見有彗星見於
雲中約長三尺光指東南在柳星二宿之次旬日以
來明晦無常尚未銷滅臣等仰惟皇上尊天法祖
勤政安民休德至治上帝歆鑒自無致變之理考之
傳曰彗者除舊布新之象晏子曰天之有彗也所以
除穢也變不虛生由人所召今者星見之異實皆臣
等大小臣工不職所致然上天垂戒無非仁愛人君

之意伏望 皇上仰承天意益加祇慎擇日躬禱於
玄極寶殿勅下大小臣工省已洗心自本月初八
日爲始如故事青衣角帶辦事三日仍通行兩京九
卿堂上官各令自陳臣等禮官奉職無狀感召災變
實爲諸司之首詮伏屏息以俟天威重加謫譴臣等
無任恐懼隕越之至五月十二日奉

御批上天垂此星異非一次者在朕躬的過違自省
察之内外大小官員人人皆有代理之責宜各思過
圖改不必青衣角帶外飾虛畏須實奉行贊朕上承
天眷奏禱今多事之日安得精專兩京九卿堂上官

都待考察一併處分各處鎮守內官俱着取回該衙門知道

奉先殿雷警諸修省

嘉靖十八年六月初一日酉初天垂雷警于奉先殿擊碎殿左吻插及東室門槁菱花少損同時皇城北鼓樓被燬臣等聞知無任惶駭夫奉先殿祀

祖宗列聖以妥神靈鼓樓繫京城壯觀以警昏夜而變出一時上天示戒之意亦非小矣臣等切以變不虛生必有由召仰惟皇上至敬格于皇天至孝歆于祖考圖治勵精恤民敷惠聖德治政自無致

變召災之理惟是臣等大小臣工奉職無狀稔過深所以致此然每遇上天變謫之見獨厯一人罪已之憂此益重臣下之罪而莫追者也伏望皇上仰祇天戒深察咎端勅下百司官員自本月初四日爲始至初六日止素服角帶辦事痛加修省兩京九卿衙門堂官責任彌重咎罰難辭合無行令俱各自陳其一應政務有關國家大計者許科道官條陳具奏以俟聖明採擇施行庶幾應天以實而災變可弭矣本月初七日奉

聖旨朕仰天慈下戒實切感懼還待諭行祭告禮

修省着今日始青衣角帶至祭日止百官勿外示儀相須加中省畏自陳依行餘罷

風霾請修省

臣等切見旬日以來天色晝冥風霾時作至本月十三日申刻黃氣四塞濛霧亘天隨變爲紅赤色暴風從西北方起文德坊并西長安街坊牌斗拱簷瓦俱各飄落西長安中門櫺木板折及鐵鎖鈕皆壞又各城上旗杆亦毀折數處至夜分方息臣等時其驚駭隨詣西長安門審看得櫺木壯巨時已下鎖捍拒甚牢乃至衝折數段如摧拉枯朽此其爲變大矣考之

洪範曰休徵則聖時風若曰咎徵則蒙恒風若且其
日乙巳角所用事角本爲民民恐將災揆茲變異實
臣等佐理無狀愆咎深所致所宜痛加修省但時
值宗廟有祭合無於本月二十二日爲始如故事
各衙門官青衣角帶辦事三日恭請皇上擇吉於
玄極寶殿躬行奏告仍分命大臣祭告京城內外
秩祀神祇以圖回天變嘉靖十九年三月十八日奉
御批近日風霾之變仰天垂示本朕自致爾群工百
職但要同寅協心分贊治理不必事文飾然災變有
數亦莫之逃朕觀此異三見占書曰兵喪火西北邊

防不可不慎當有預禦之備兵部會官集議來聞

時旱請禱雨澤

切照今歲入春以來亢曠少雨頃者間有微雨未得
霑潤兼以風霾時作土脉焦枯生物不遂郊畿重地
播種未全臣等謹按民爲邦本食爲民命雨澤愆期
則年穀無望生民重困仰惟 皇上敬天仁民憂勤
惻怛堯舜之心不過是也臣等竊聞永平等府地方
民饑乏食殍死道路相望近日各處流民有至崇文
門郊外接踵紛藉空餓疲病踣斃亦多臣等待罪有
司仰承德意目擊時難寧敢隱默不以上聞擬合題

請照例行令順天府率領所屬人員擇日齋戒虔禱
於京都城隍等廟祀神祇求回天意仍行所屬州縣
一體齋戒禱祈務須罄竭精意仰冀感通所據郊外
流民伏乞 聖慈哀愍勅下所司查議蚤爲拯卹救
養之計嘉靖十七年四月十七日奉

聖旨是今春亢旱少雨便着有司竭誠祈禱郊外流
民查議賑恤

刊布御製濟疫方具題

臣等竊惟天災流行氣運不免惟皇歛福錫厥庶民
在昔御極之后惟神農黃帝以其道理身其緒餘以

及萬民故本草素問作焉頃者人夏不雨京師旱疫
我皇上積誠祈天靈雨應禱轉沴回祥聖心視
民如傷又特按古方加減隨宜勅下所司如法救療
仰見皇上遠嗣軒農之道曲成位育之功直欲斯
世斯民俱免扎瘥而同躋於仁壽也臣等不勝欽戴
感仰之至謹將御製濟疫方恭行刊布已完摹印
裝潢上進御覽謹具題以聞嘉靖二十一年閏五
月初三日題

南宮奏議卷第十七